



Broj: 10/E-11-1578/23

Sarajevo, 19-04-2023. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke stručnih usluga za izradu projekata vodosnabdijevanja i odvodnje otpadnih voda (Zapisnik o pregledu i ocjeni ponuda broj: 10/E-11-1578/23 od 14-04-2023. godine), Općinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača **„ZAVOD ZA VODOPRIVREDU“ d.d. Sarajevo, ulica Paromlinska broj 53E/I Sarajevo**, broj: 02-21-27-3/23 od 30.03.2023. godine, za nabavku stručnih usluga za izradu projekata vodosnabdijevanja i odvodnje otpadnih voda, putem otvorenog postupka javne nabavke, u ukupnom iznosu od **11,66 KM bez PDV-a**, odnosno u iznosu od **13,64 KM sa PDV-om** (zbir jediničnih cijena).
- II. Ugovorni organ će sa izabranim ponuđačem zaključiti Okvirni sporazum na period od 2 (dvije) godine, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III. Izabrani ponuđač je dužan dokaze iz tačke 7.1. i 7.1.2. TD (Lična sposobnost), u skladu sa članom 45. Zakona o javnim nabavkama, dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originalne ili ovjerene kopije).
- IV. Ova Odluka se dostavlja svim ponuđačima koji su učestvovali u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- V. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke za stručne usluge za izradu projekata vodosnabdijevanja i odvodnje otpadnih voda, putem otvorenog postupka, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-1578/23 od 09.03.2023. godine.

Postupak javne nabavke nije podijeljen na lotove.

Obavještenje o nabavci broj: 848-1-2-49-3-53/23 objavljeno je dana 10.03.2023. godine na Portalu javnih nabavki, a Sažetak Obavještenje o nabavci objavljen je u „Službenom glasniku BiH“ broj 20/23. Procijenjena vrijednost javne nabavke bez PDV-a ukupno iznosi 36.000,00 KM, za cijeli period trajanja Okvirnog sporazuma.

U roku za predaju ponuda koji je određen tenderskom dokumentacijom (30.03.2023. godine do 12:00 sati), na adresu Ugovornog organa dostavljeno je pet ponuda i to od ponuđača: 1. „IBIS“ d.o.o. Zavidovići, 2. „TEAM HIDRO“ d.o.o. Sarajevo, 3. „RADIS“ d.o.o. Istočno Sarajevo, 4. „ZAVOD ZA VODOPRIVREDU“ d.d. Sarajevo i 5. „SENDO“ d.o.o. Sarajevo.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kao kriteriji „najniža cijena“, kako slijedi:

R/b	Ponuđač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„IBIS“ d.o.o. Zavidovići	32.450,00	/	37.966,50
2.	„TEAM HIDRO“ d.o.o. Sarajevo	34.350,00	/	40.189,50
3.	„RADIS“ d.o.o. Istočno Sarajevo	28.200,00	/	32.994,00
4.	„ZAVOD ZA VODOPRIVREDU“ d.d. Sarajevo	11,66	/	13,64
5.	„SENDO“ d.o.o. Sarajevo	50,30	/	58,85

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude u smislu provjere njihove potpunosti, prihvatljivosti i ispravnosti, kao i usklađenosti sa zahtjevima Ugovornog organa iskazanim u tenderskoj dokumentaciji.

Uvidom je Komisija I ustanovila da dostavljene ponude ispunjavaju formalno-pravne, ekonomske i tehničke uslove, odnosno zahtjeve Ugovornog organa iskazane u tenderskoj dokumentaciji.

Nadalje, Komisija I je konstatovala da su sve dostavljene ponude prihvatljive u smislu definicije prihvatljive ponude iz Zakona o javnim nabavkama.

Komisija I je izvršila i računsku kontrolu ispravnih i prihvatljivih ponuda, i pri tome nije pronađena niti jedna računska greška.

Dana 04.04.2023. godine Komisija I je od ponuđača „ZAVOD ZA VODOPRIVREDU“ d.d. Sarajevo tražila objašnjenje neprirodno niske cijene dostavljene ponude jer je cijena ponude navedenog ponuđača za više od 50% niža od prosječne cijene preostalih pristiglih ponuda. Prednje je učinjeno u skladu sa članom 66. Zakona o javnim nabavkama („Službene glasnik BiH“, br. 39/14 i 59/22) i članom 17. stav (7) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15).

Ponuđač „ZAVOD ZA VODOPRIVREDU“ d.d. Sarajevo je dana 06.04.2023. godine blagovremeno dostavio pismeno obrazloženje neprirodno niske cijene ponude, broj: 02-21-27-7/23 od 04.04.2023. godine.

Komisija I je razmotrila navedeno objašnjenje cijene ponude ponuđača „ZAVOD ZA VODOPRIVREDU“ d.d. Sarajevo, te iznesene navode i objašnjenja ocijenila opravdanim i prihvatljivim. Poštujući princip efikasnog trošenja javnih sredstava Komisija I je konstatovala da se ponuda na osnovu istog ne može odbaciti, te da je prihvatljiva za Ugovorni organ.

U daljem toku postupka izvršena je ocjena i vrednovanje prihvatljivih ponuda prema pravilima propisanim Zakonom o javnim nabavkama i podzakonskim aktima, kao i procedurama utvrđenim u tenderskoj dokumentaciji za predmetnu nabavku.

Izvršenim bodovanjem prihvatljivih ponuda na osnovu kriterija „najniža cijena“, slijedi:

Rang	Ponuđač	Ukupna cijena ponude (KM) bez PDV-a
1.	„ZAVOD ZA VODOPRIVREDU“ d.d. Sarajevo	11,66
2.	„SENDO“ d.o.o. Sarajevo	50,30
3.	„RADIS“ d.o.o. Istočno Sarajevo	28.200,00
4.	„IBIS“ d.o.o. Zavidovići	32.450,00
5.	„TEAM HIDRO“ d.o.o. Sarajevo	34.350,00

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

prvorangiranog ponuđača **„ZAVOD ZA VODOPRIVREDU“ d.d., ulica Paromlinska broj 53E/I Sarajevo, 71000 Sarajevo**, broj: 02-21-27-3/23 od 30.03.2023. godine, za nabavku stručnih usluga za izradu projekata vodosnabdijevanja i odvodnje otpadnih voda, u ukupnom iznosu od **11,66 KM bez PDV-a**, odnosno u iznosu od **13,64 KM sa PDV-om** (zbir jediničnih cijena), sa kojim će biti zaključen Okvirni sporazum na period od 2 (dvije) godine.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



OPĆINSKI NAČELNIK
Srđan Mandić

Prilog:

Zapisnik o pregledu i ocjeni ponuda

broj: 10/E-11-1578/23 od 14-04-2023 godine

DOSTAVITI:

1. Ponuđaču: „IBIS“ d.o.o. Zavidovići, ul. Husein-kapetana Gradaševića b.b., 72 220 Zavidovići
2. Ponuđaču: „TEAM HIDRO“ d.o.o. Sarajevo, ul. Vilsonovo šetalište broj 10, 71 000 Sarajevo
3. Ponuđaču: „RADIS“ d.o.o. Istočno Sarajevo, ul. Jovana Dučića broj 16, 71 123 Istočno Sarajevo
4. Ponuđaču: „ZAVOD ZA VODOPRIVREDU“ d.d. ul. Paromlinska broj 53E/I, 71 000 Sarajevo
5. Ponuđaču: „SENDO“ d.o.o. Sarajevo, ul. Trg heroja broj 35, 71 000 Sarajevo
6. Službi za prostorno uređenje i investicije
7. Kabinetu općinskog načelnika - Odsjek za javne nabavke
8. Službi za finansije
9. U spis